

10 ASO TALOSAGA – 2018

Aso Fa_4

O le Ofu Talaloa

Ou te matua olioli i le Alii, ia olioli atu lo'u agaga i lo'u Atua; aua ua ia faaofu a'u i le ofu o le faaolataga, ma ufitia a'u i le ofu talaloa o le amiotonu. *Isaia 61:10*

O le ofu talaloa o le faatusa lea o le amiotonu a Keriso e ufitia ai lo tatou lē lavalavā pe afai tatou te talia Lana amiotonu.

O i latou uma latou te ofuina le ofu o le amiotonu a Keriso o le a tutū atu i Ona luma o ni tagata filifilia faamaoni ma le moni. E leai se malosiaga o Satani e se'i esea mai ai i latou i aao o Keriso. E leai se agaga e tasi ua maua le salamo ma le faatuatua ua malu lona saogalemu ia Keriso e mafai ona ui atu i lalo o le malosiaga o le fili. Ua tautino mai Ana upu: "Ia taofi mau o Ia i Lo'u malosi, ina ia lelei o Ia ma A'u; o Ia fo'i ia lelei ma A'u." *Isaia 27:5*. O le folafolaga na ave ia Iosua na ave mo tagata uma: "Afai e te tausisi i a'u faatonuga...ou te avatua ia te oe o nofoaga e te ui atu ai i le va o ē o lo o tutu mai tafā ala." *Sakaria 3:7*. E fesavalia'i agelu a le Atua i tafatafa o i latou i le lalolagi nei, mulimuliane o le a ō latou tutū fo'i ma agelu o lo o siomia le nofoalii o le Atua. (*Councils for the Church*, pp. 361, 352)

O le amiotonu a Keriso e avea ai le tagata agasala ua salamo ma lē e talia e le Atua ma faataunu'u ai lona ta'uamiotonuina. Po o le a lava le agasala sa i ai i lona olaga, afai e talitonu ia Iesu o lona lava Faaola, e tu o ia i luma o le Atua ma le ofu talaloa o le amiotonu tuuina atu a Kersio. (*Faith and Works*, p. 106)

"...ia maua fo'i a'u 'ua 'iā te ia, e le 'iā te a'u sa'u amiotonu nai le tulafono, 'ae peita'i na o lea o lo'o i le fa'atuatua 'iā Keriso, o le amiotonu lea mai le Atua i le fa'atuatua." (*Filipi 3:9*)

O le tagata agasala faatoa oti i ana solitulafono ma agasala, e faataalise atu lona faatuatua ia Keriso. E na te vaaia i le faatuatua Keriso o sona Faaola, o Sē e soifua pea, o Sē e mafai ona faaola "i tagata uma e omai i le Atua e ala

10 ASO TALOSAGA – 2018

Aso Fa_4

mai ia te Ia.” E vaaia e le tagata talitonu le lautele, umī, maualuga ma le loloto o le faatulagana lelei o le togiola na faia mo ia – e maitauina le atoatoa o le faaolataga, na faatauina i se tau e le mavae, ma ua faatumulia ai lona loto i le vivii ma le faafetai. E na te vaai pei o se vaaiga i le tioata le mamalu o le Alii ma liua ai o ia i Lona faatusa e ala i Lona Agag Paia. Na te vaaia le ofu talaloa o le amiotonu a Keriso, e lalagaina i mea laga’ie a le lagi, na fafauina i Lona soifuaga usita’i, ma tuuina atu i le agaga ua salamō e ala i le faatuatua i Lona suaafa.

Pe a o’o ina vaai le tagata agasala i le matagōfie lē-mafaatusalia o Iesu, e lē toe faatosina ia te ia le agasala; aua ua ia vaaia le Silisili o le sefuluafe, o Lē e alofa. Na te iloa e ala i le la mafutaga ma le Faaola le mana o le talalelei, ona e faamaonia i le tutusa lelei o le mamanuina ma lona mafuaaga na afuafua ai.

A o faasoosa atu loto o tagata o le Atua i Ona luma, e tauanau mo le loto mama, ua aumaia se faatonuga, “Ia ave esea mai ofu eleelea” mai ia i latou, ma o lo o faapea mai ni upu faamalosi, “Faauta, ua faia ina ia ave esea mai au agasala mai ia te oe, ae o le a ou faaofuina oe i se ofu fou.” O le ofu e lē pispisia o le amiotonu a Keriso e faaofuina i latou e tofotofoina, faaosoosoina, ae o fanau faamaoni a le Atua. O tagata totoe tauemua, e faaofuina i laei pupula, ma e le toe o’o iai le leaga o le lalolagi. O ō latou igoa e faatumauina i le tusi o le Ola a le Tamai Mamoe, ua tusia i faamaumauga o tagata faamaoni o augatupulaga uma. Sa latou tete’e atu i togafiti uma a lē taufaasesē; ma e le i liluese mai i lo latou tumau atu i le Atua i taimi e faamata’u mai ai le tarako. Ma o lea la, ua mautinoa ai lo latou malu puipua mai i mailei taufaasooso a le fili. Ua faauia atu uma a latou agasala i luga o le na mafua ai le agasala. (*Counsels for the Church*, p. 535)

O le faatuatua faalauaitetele e le lava lea. E tataua ona o tatou oofu i le ofu talaloa o le amiotonu a Keriso ma tatou faailoa atu ma le loto toa, ma le

10 ASO TALOSAGA – 2018

Aso Fa_4

mautinoa, e faailoa ai Keriso, ae le o le tagata auagavale, ae ia vaavaai atu ia Iesu, mai ia faatamāoaigaina i le atoatoa o Lana amio. Ona mautinoa ai lea ona tatou faailoa atu taitoatasi le amio a Iesu, ma faamaonia ai ua una'ia i tatou e le Upu moni; aua o le ofu i le ofu fou ia Keriso ua faapaiaina ai le loto ma ua saitia ai manatu uma i lalo o le usita'ia o Keriso. (Reflecting Christ, p. 108)

O le tagata amiotonu, ua faamaoni lona alofa ma le mata'u i le Atua, na te ofuina le ofu talaloa o le amiotonu a Keriso i taimi manuia ma taimi lē taugalemū. O i latou uma e moni le so'otaga ma le Atua e fua mai ai i aso uma le faafiti o ia ia te ia lava, ola faataulaga ofo, agaalofa, lotoalofa, alofa, onosa'i, tauivi, ma le faamaoni. Atonu e le faalauiloaina a latou galuega i le lalolagi, ae o lo o latou tauivi pea ma le leaga i aso fai so'o, ma i'u ai i le manuia e ala i le manumalo mai i faaososoga ma mea sese.

O Ia sa na tauave a tatou agasala i lona tin oi luga o le laau, ina ia tatou oti ai i le agasala ae ola mai i le amiotonu. O Ona manu'a ua e malolo ai. (1 Peteru 2:24)

E tofu lava le tagata ma le fetauiga o le a fetau ai na te faatoilaloina le agasala i lona lava loto. Ma e iai taimi e matua tiga ai ma tausolomuli ai i lea galuega, auā a o tatou vaavaai i foliga mataga o a tatou amio, ona mau ai lava lea o le tatou vaai, ae sa tatau ona tatou vaai ia Iesu ma tatou oofu i lona ofu talaloa o Lana amiotonu. O tagata uma e ulufale atu i faitoto'a penina o le aai o le Atua o ni tagata manumalo, ae o lona manumalo sili lava, o le faatoilaloina lea o ia lava. (God's Amasing Grace, p.31)

Na te faafosia mai lo'u agaga: Na te ta'ita'i ia te a'u i ala o le amiotonu ona o lona suafa. (Salamo 23:3)